

Broj: 08-22/6-1693/23
Sarajevo, 20.10.2023. godine

BOSNA I HERCEGOVINA
FEDERACIJA BOSNE I HERCEGOVINE
DOM NARODA PARLAMENTA FEDRACIJE BIH
n/r delegat, Ivan Ivić ✓

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primljeno: 31-10-2023

Org. jed.	Broj	Priloga	Vrijednost
05/2	-02-	368	123

BOSNA I HERCEGOVINA
FEDERACIJA BOSNE I HERCEGOVINE
DOM NARODA PARLAMENTA FEDRACIJE BIH
n/r sekretara Doma naroda Parlamenta F BiH

FEDERACIJA BOSNE I HERCEGOVINE
VLADA FEDERACIJE BIH
n/r sekretara Vlade FBiH

PREDMET: Odgovor na delegatsko pitanje
Veza: akt Sekretara Doma naroda PFBiH, br. 05/2-02-368/23 od 10.10.2023. godine

Poštovani,

Vezano za delegatsko pitanje, upućeno od strane delegata Ivan Ivić, na 4. sjednici Doma naroda Parlamenta Federacije Bosne i Hercegovine, održanoj 05.10.2023. godine, a koje se odnosi na problem pojavljivanja medvjeda na ulicama Kupresa, odnosno, zašto se ne dozvoli Lovačkom društvu Kupres da izvrši odstrel medvjeda koji su se pojavili na ulicama Kupresa, dajemo sljedeći:

ODGOVOR

Po pitanju gospodarenja mrkim medvjedom ovo Ministarstvo je korisnicima lovišta na teritoriji Federacije Bosne i Hercegovine, u više navrata dalo upute, odnosno pojasnilo zakonske odredbe kojima je isto pitanje definisano.

Gospodarenje mrkim medvjedom u Federaciji Bosne i Hercegovine propisano je Zakonom o lovstvu ("Službene novine Federacije BiH", br.4/06, 8/10 i 81/14) i podzakonskim aktima donesenim na osnovu njega, Rješenjem o ustanovljenju uzgojnih područja za mrkog medvjeda u Federaciji Bosne i Hercegovine ("Službene novine Federacije BiH", broj 38/22), Zakonom o zaštiti prirode ("Službene novine Federacije BiH", broj 66/13), Crvenom listom ugroženih divljih vrsta i podvrsta biljaka, životinja i gljiva („Službene novine Federacije BiH ", broj:7/14) i Zakonom o zaštiti i dobiti životinja ("Sl. glasnik BiH", br. 25/09 i 9/18) 46/00).

Crvenom listom ugroženih divljih vrsta i podvrsta biljaka, životinja i gljiva utvrđenom od strane Federalnog ministarstva okoliša i turizma mrki medvjed je u Federaciji Bosne i Hercegovine proglašen ugroženom vrstom divljih životinja.

Kao potpisnica više međunarodnih konvencija Bosna i Hercegovina se obavezala preduzimati sve potrebne pravne i administrativne mjere, na nacionalnoj i međunarodnoj razini, kako bi osigurala zaštitu, između ostalih i mrkog medvjeda, kao i njegovog prirodnog staništa.

Članom 17. Zakona o lovstvu je propisano da se mrkim medvjedom gospodari na nivou uzgojnih područja.

Rješenjem o ustanovljenju uzgojnih područja za mrkog medvjeda u Federaciji BiH propisano je, da se mrkim medvjedom na uzgojnom području gospodari na osnovu Plana

gospodarenja mrkim medvjedom za uzgojno područje (dugoročni plan) i Godišnjeg plana gospodarenja mrkim medvjedom za uzgojno područje.

Plan gospodarenja i Godišnji plan gospodarenja mrkim medvjedom za uzgojno područje izrađuju i donose korisnici lovišta obuhvaćeni u granicama uzgojnog područja, a odobrava ih nadležno kantonalno ministarstvo uz predhodnu saglasnost Federalnog ministarstva poljoprivrede, vodoprivrede i šumarstva i Federalnog ministarstva okoliša i turizma.

Napominjemo da su korisnici lovišta i ranije imali mogućnost izraditi planove gospodarenja mrkim medvjedom (od 2008. godine) i pribaviti potrebne saglasnosti kako bi se ovom ovom velikom zvijeri moglo u skladu sa propisima i planski gospodariti, između ostalog i vršiti zakonit planski odstrel.

U Federaciji BiH su do sada izrađeni i dostavljeni na saglasnost Federalnom ministarstvu poljoprivrede, vodoprivrede i šumarstva planovi gospodarenja za mrkog medvjeda samo za 2 kantona (Kanton 10 i Kanton Sarajevo), u ostalim kantonima izrada ovih planova je u toku.

Nakon što je Stručna komisija ovog Ministarstva izvršila detaljan pregled i analizu teksta planova gospodarenja mrkim medvjedom za uzgojno područje u Kantonu 10, konstatovano je da planovi sadrže sve potrebne elemente i da su urađeni u skladu sa odredbama Zakona o lovstvu i Rješenjem o ustanovljenju uzgojnih područja za mrkog medvjeda u Federaciji BiH, te je ovo Ministarstvo svojim aktom, br. UP-I-08-1-22/7-4113-3/23 B.M. od 19.10.2023. godine, izdalo Saglasnost za odobravanje Plana gospodarenja mrkim medvjedom i Godišnjeg plana gospodarenja mrkim medvjedom za uzgojno područje mrkog medvjeda u Kantonu 10, čime su se stekli uslovi da ove planove odobri i nadležno kantonalno ministarstvo, te da korisnici lovišta mogu zakonito i planski gospodariti ovim vrstom divljači, između ostalog, izvršavati i odobreni plan odstrela.

Izradom i odobravanjem planova gospodarenja mrkim medvjedom za uzgojna područja i u ostalim kantonima u Federaciji BiH stvorit će se uslovi za plansko gospodarenje ovom vrstom divljači na cijeloj teritoriji Federacije BiH, što će direktno smanjiti prisustvo mrkog medvjeda u naseljenim mjestima kao i štete koje čini ova divljač.

S poštovanjem,



Dostavljeno:

1. Naslovu ... X 3;
2. FMPVŠ, Sektor za šumarstvo i lovstvo;
3. Arhiva.